

永樂北藏

趙樸初題



图书在版编目 (CIP) 数据

永乐北藏/赵朴初名誉主编. -北京: 线装书局, 2000. 2
ISBN 7-80106-052-0

I. 永… I. 赵… II. 大藏经 N. B941

中国版本图书馆 CIP 数据核字 (1999) 第 73752 号

永乐北藏 (二〇〇册)

出版发行

线装书局

(北京朝阳区春秀路太平庄十号)

责任编辑

李立

装帧设计

颜菲菲

印刷

中国地质科学院五六二印刷厂

版次

二〇〇〇年三月第一版第一次印刷

印数

〇〇一——一〇〇

书号

ISBN 7-80106-052-0/B·1

定价

八八〇〇〇 圆

ISBN 7-80106-052-0



9 787801 060525 >

御製

天清地寧
風雨調均
烽警不作
化醇俗厚
外順內安
普際光明
大正統五
年十一月
十一日
陰陽和順
百穀常豐
禮教興行
人皆慈善
一統熙皞
既往未來
俱登正覺
七政明朗
萬類咸暢
子孝臣忠
物靡害災
九幽六道

永樂北藏第一五六冊目錄

- 圓悟佛果禪師語錄 續前 (本冊卷第五至卷第十七 漢八—惠十)……………一
- 大慧普覺禪師語錄 三十卷 宋宗杲說蘊聞集 (說一—武十)……………三二九

圓悟佛果禪師語錄卷第五

漢八

宋平江府虎丘山門人紹隆等編

東京天寧寺語王貴妃請上堂僧問如天晉
蓋長見日月光輝似地普擎萬古山河水固
正當恁麼時承誰恩力師云千華叢裏一華
春進云可謂野老既知堯舜力歌謠此日樂
升平師云也須知此恩始得進云誰人不瞻
仰師云速禮三拜師乃云突出難辨只貶得
眼閃電提持衲僧無湊泊處放一線道轉見
誓訛不落階梯猶形唇吻到這裏如何即是

車不橫推理不曲斷千華現相萬古一春處
處顯奇特頭頭彰殊勝莫是新年頭佛法麼
要且挨旁他不得莫是向上提持麼要且議
論他不出莫是應機境一時比今時麼未免
拖泥涉水莫是一筆勾下壁立萬仞麼要且
望空啓告所謂法隨法行法幢隨處建立遇
奇人則拈出逢奇機則提持且一人光陰萬
劫次闢九有悉仰威光一言一句示機示境
一出一沒一撈一挨悉是大解脫中流出且
道畢竟承箇什麼便得恁麼奇特若知有去

永樂北藏

圓悟佛果禪師語錄

第一五六冊

不假形言其或未然露箇消息去也淨智莊嚴功德聚祝融峯頂萬年松復成頌曰大道虛玄天地先昆蟲草木悉陶埏神功已極三千界睿筭仍過億萬年

衆道友爲李道山披剃上堂云頂門闌金剛正眼始辨大機殺人不眨眼底漢立地成佛方明大用直得如此猶只是吾門建法幢立宗旨趣向在且向上還有事也無若知有向上事去設使盡乾坤大地草木叢林一一現千百億釋迦身不消一捏至於傾懸河辯用

嶮崖機盡四聖六凡一時軒豁提得將來不消一拶且道據箇什麼便恁麼所謂大人具大見大智得大用向無明窟子裏便放無量寶光向衆生境界中便作不思議事如丹霞相似才方舉起便知落處更不涉唇吻更不落言詮始似過他漢六一箇聲頭便乃十分領略只如未刻草時在什麼處既要刻草與說戒兩手掩耳又落在什麼處過量人有過量事只如當機一句作麼生道數聲清磬是非外一箇閑人天地間復頌云丹霞刻草燒木佛

宮使捨緣吹布毛驚群敵勝真師子一釣須
連十二鰲

知省太尉請上堂一句當陽顯赫徧界已絕
羅籠不從諸佛心髓中流亦非乾坤未生時
立只如今凜凜孤危澄澄絕照若是具超方
眼有格外機未彰文彩已前已是十分勘破
及乎彰言句立機境形問答作彼此直得千
重百市百市千重和中下機一時收拾在這
裏還有當處證明直下解脫底麼試出來通
箇消息看如無威音已前活鱖鱖直至如今

淨裸裸復成頌云法界廣包含開敷優鉢曇
普熏般若力萬善自莊嚴

大內貴妃請上堂云一句子出於千聖頂門
一妙機發於無盡寶藏迥無依倚杳絕端倪
非色非心非如非異盡虛空窮法界都盧是

漢八

三

箇大解脫門你諸人浩浩地於中出入還覺
寒毛卓豎麼若向脚跟下一念不生全體顯
露則淨裸裸活鱖鱖要行即行要住即住要
用即用要休即休不指第二頭不落第二見
到這裏亘古亘今凝然寂照若踏著去透脫

永樂北藏

圓悟佛果禪師語錄

第一五六冊

生死是甚閑事能以無漏根力建法幢立宗旨衣被一切群靈盡未來際無有窮盡正當恁麼時且道承誰恩力還委恁麼五蘊山頭無相佛放光動地廓周沙頌云一心無住著徧界法王家崇成無漏福端坐寶蓮華

坦然居士爲貢沙彌作齋上堂僧問達磨未傳心地印釋迦未解髻中珠有人若問西來意還有西來意也無師云庭前石獅子進云若然者歷劫坦然無異色呼爲心印早虛言師云一點也入不得進云爭柰今古應無墜

分明在目前師云你試舉目前底看進云一點也瞞和尚不得師云爭柰大衆何師云舉步越東勝身退身入西瞿耶回首望北鬱單揔拳觸南閻浮淨地裏看是箇沒量大人以正眼觀來猶是麻滓麴末須知四維上下無邊香水海不可說浮幢王剎捏爲微塵一一塵中現無邊身說無量法猶只是順機應教看孔籠著楔而況提向上鉗鎚用作家爐鞴便是徧界德山有棒無下手處徧界臨濟有喝無啓口處徧界金色頭陀有定力無容身

處正當恁麼時驀然有箇承當得擔荷得趣
向得行履得且道向什麼處著渠山僧有箇
著處擬待說又恐成路布擬不說又却孤負
當機說與不說一時拈却最後一句放開話
會去也長松下明窓內玉殿珠樓未爲對衲
被蒙頭萬事休漢八此時山僧都不會還委恁麼
天台華頂秀南嶽石橋高昨夜磨盤生八角
驚將露柱笑咍咍引得門前石獅子倒緣蘿
壁上天台

人之力而況長空絕跡大道體寬了之由人
斷之在己或出或處或語或默虎穴魔宮穢
邦淨土山林城市荆棘叢中若能著著有出
身之機處處有超情之見無可不可把定也
祖佛不能窺放行也同生復同死且道放行
爲人好把定爲人好還委恁麼披蓑側立千
峯外引水澆蔬五老前幻軀將逼縱心年懶
汨塵勞又世間憑仗護身箇符子強扶衰疾
且歸山

住金山龍游語錄師在高郵乾明受勅拈起

示衆云見麼拈時十日並照舉處千界光輝
九重天上降來宰輔手中親付更不敢囊藏
被蓋請僧正一爲敷宣

次拈疏云毫端寶剎閭外威權有卷有舒有
照有用字字珠回玉轉一一草偃風行雖然

漢八

五

文彩已彰更請重新拈出

指法座云竿木隨身逢場作戲須彌燈王只
今見在目前更不須作禮還信得及麼千聖
不傳微妙訣妙峯孤頂有人行

陞座云正令已行十方同應獻華借水全藉

傍人還有共相證明底麼僧問唱罷御樓一
曲高陞浮王孤峯未過揚子江如何道得接
手句師云風不來樹不動進云只這裏何異
妙峯頂師云吹毛寶劍當頭截進云忽若德
雲比丘出來道箇隔和尚如何轉身師云也
則摸索不著進云爭奈處處無回互頭頭不
讓機師云七日何曾得見來進云設使親見
也只是山上底師云苦屈之詞最難吐進云
學人若也通消息只恐揚子江水逆流去師
云三十棒且待別時師云大道無背面真機

有卷舒撮大地如陶家輪運大千向針鋒上
猶未是橐中正令間外全威所以萬國仰瞻
同歸舜日靈光一道共照皇家重興佛祖道
場追還普天寶所正令全提主賓同用山僧
今日得奉一人聖詔傍資宰輔威權共建法
幢豎立宗旨揚子江心滔天輓浪妙峯孤頂
舒卷閑雲是處著眼不前頂顛正令全現若
是箇同得同用同殺同活底共一眼見共一
耳聞同一口宣同一音演更無異緣亦無異
見說什麼九十六種二十五有正要當頭辨

取一時列在下風且如今日應時應節事作
麼生道一句迥超今古格萬年仰祝聖明天
陞座僧問遠辭帝闕已屆南徐不涉程途請
師垂示師云到此已六日進云竹密不妨流
水過山高豈礙白雲飛師云猶涉唇吻在進
云不涉唇吻請師道師云高高處有餘進云
納僧家入林不動草入水不動波且以何爲
證師云猶較些子進云只許老胡知不許老
胡會師云且莫詐明頭師乃云三十年前曾
到此如今樓閣碧參差善財參處真消息誰

永樂北藏

圓悟佛果禪師語錄

第一五六冊

識德雲閑古錐還有識得底麼未渡瓜洲時
有一句子已與諸人道了也若以心思若以
意識若以眼見若以耳聞則沒交涉直得七
佛已前威音那畔薦得猶是話會在若委悉
得更不用如之若何便請丹霄獨步苟或未
然不免落第二義門去也江心一峯樓臺相
映水面雙塔金碧交輝誠聖帝福田乃禪林
上剎爲琳宮爲佛宇爲淨土爲穢邦建立法
幢弘荷祖道若非今上皇帝睿聖文明深信
此道安能首降詔書復此寶坊以爲福地如

今所以與諸人向此古道場中各得相見既
到這裏直須念德修德知恩報恩若也如此
則佛法付囑有在正當恁麼時一句作麼生
道銀山鐵壁無回互草偃風行得自由

開堂判府延康度䟽與師師接了云斷盡現

成公案擲地金聲發明古剎家風耀天光彩

出自大手筆顯示最上乘正欲四海普聞便

請僧正宣過

指法座云須彌燈王如來見居此座放大光
明說法了也還聞麼苟或未聞旣爾當爐不

避火更須撥轉上頭關遂陞座拈香云此一
辦香奉爲今上皇帝祝嚴聖壽恭願文明齊
二曜睿筭等乾坤奪少康復禹跡之功成宣
光興漢室之業萬邦歸聖化八表偃干戈此
一辦香奉爲判府安撫延康通判學士合郡
文武官僚伏願位隆磐石功濟維城居方面
則魯衛晉齊陟巖廊則臯夔稷卨此一辦香
佛眼也覩不見江淮十載受盡辛勤一旦白
雲打破漆桶六處忝領大刹七回拈出此香
奉爲蘄州五祖山真慧禪院第十二代演禪

師以酬法乳遂歛衣陞座焦山和尚白槌云
法筵龍象衆當觀第一義師乃云適來未陞
此座第一義已自現成如今槌下分踈知他
是第幾義也還有打成一片解觀得底麼試
出來對衆舉看僧問目視雲漢德雲不下妙
高峯至化難逃金山且過一線路報恩一句
請和尚道師云萬年長祝聖明君進云可謂
帝力丘山重君恩宇宙寬師云愈令心似鐵
進云金枝永茂千年秀玉葉長芳萬古春師
云又得闍黎共證明進云昔日裴相公入寺

石霜借笏垂慈今日台入親臨未審如何相見師云只了箇見成公安進云瑞氣直從天上升祥雲元自日邊來師云高著眼進云只如和尚六處開堂爲人說法還有人相肯也無師云一時不肯進云爲什麼不肯師云獨許師乃云大道絕中邊至真離言說諸佛莫能提祖師莫能傳透聲透色絕遮欄蓋地蓋天無向背豈止棒頭取證喝下承當直饒千眼頓開未免依草附木到這裏要須是針劄不入風吹不倒把斷要津不通凡聖底始得

是故靈山會上廣額屠兒放下屠刀云我是千佛一數大集會中大力魔王云待一切衆生盡皆成佛了然後發菩提心豈不是龍象蹴踏師子頻呻敵勝驚群蘊大丈夫意氣始可承當擔荷所以道殺人不眨眼底立地成佛立地成佛底殺人不眨眼還他過量人提持過量智發明過量機展演過量用正當恁麼時向過量境界中作麼生道還知麼仰祝聖君無量壽河清海晏樂升平上堂云大衆赤肉團上人人古佛家風毗盧

頂門處處祖師已鼻拈一機千機萬機通透
用一句千句萬句流通不假他人全彰已用
若也人人恁麼返照則亘古亘今凝然寂照
一段光明非中非外非色非心行棒也打他
不著行喝也喝他不得直得淨裸裸赤灑灑
是箇無生法忍不退轉輪截斷兩頭歸家穩
坐正當恁麼時不須他處覓只此是西方
秦魯國大長公主降香請陞座拈香云此一
瓣香奉爲秦魯國大長公主今辰修設祝嚴
今上皇帝聖壽無疆師乃云天高無極無極

有尊地厚無垠無垠有主鏡萬象方寸懷六
合曾中發大機顯大用是故乃祖乃佛或拈
華或面壁或行棒或行喝或詞辯縱橫或寂
寥無說周旋往返只明此箇無爲宗旨所以
人人分上各各壁立萬仞無一絲毫移易虧
欠豈不見道譬如帝力不棄一民不謂不知
而不容不謂知之而含育到箇裏啓無爲之
化行不言之教各各預天履地飲泉水貴地
脉正當恁麼時還委悉麼一穗寶香天上降
金輪皇億萬斯年

錢二學士請陞座云透生死關出有無見脫佛祖機超格則量須是利根上智一聞千悟直下承當始得撒手那邊更無餘事所以道幾回生幾回死達者悠悠無定止自從頓悟了無生於諸榮辱何憂喜諸人還識無生麼

劫火洞然毫末盡青山依舊白雲中

陞座云蓋天蓋地觸處逢渠亘古亘今全彰正體法無異相不落生滅時無異緣不涉春秋所以道處生死流驪珠獨耀於滄海踞涅槃岸挂輪孤朗於碧天如是則人人脚跟下

輝騰今古迥絕見知六處惹絆不住三界收攝不得唯當陽直截承當便見透脫分曉正當恁麼時如何天上有星皆拱北人間無水不朝東

上堂云法身無相應機現形法眼無瑕隨照

漢八

鑑物安排不得處是天真佛受用不及處乃

十

向上機若能上絕攀仰下絕已躬鼻孔摩觸家風觸髓常千世界則一爲無量無量爲一小中現大大中現小更討甚麼生死去來地水火風聲香味觸都盧是箇真實人體還有